

Perqué le pèi vignoun blan ?

Tcheu san qué - é eun moui lo crègnoun - que le premie plèye si lo vezadzo é le premì pèi blan (la canizia, comme dioun le spésialiste) soun le premie marque de noutro coo que l'é eun tren de vin-ì vioù.

La couleue di pèi é de la pi de no veun de la mélanina, eun pimàn produi pe le sellule de la pi. Le pèi vignoun blan can le sellule i qui de tsaque pèi de noutro coo produèisoun pamì de mélanina.

Le-z-albeun l'an la pi é le pèi blan a coza de la mancansa de mélanina, eun counsecanse d'eun tsandzemèn jénéteucco. L'an le joué rodzo perqué se vèi lo reflé de la lemiye di pégne ven-e de la coroida (eunna di peillatte di joueu), que l'é étò sènsa pimàn.

Le premì pèi blan vignoun pe de rèizoùn jénéteuque é sèn pou arevì pi vito i-z-eun que i-z-atre. Le-z-Amérindièn l'an pa si tracas, comme gnénca site de vin-ì plemoù.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Préi de : www.cybersciences.com

Texte publié en 2008 dans « Saint-Christophe. Les nouvelles, le notizie » - Bibliothèque de Saint-Christophe

Collaborateur de Saint-Christophe pour la traduction : **Silvana Cheney**

La transcription a été soignée par le Guichet Linguistique

Mise à jour de la graphie : octobre 2013